

## AL RUSAJ GEESPERANTISTOJ!

En la jaro 1895 tre konata estiminda rusa firmo libroeldonista »*Posrednik*« (Interĝulo) honorigis min per la komisio pretigi grandan libron pri lingvo internacia.

Diversaj malfeliĉaj kondiĉoj malhelpadis al mi ĝis lasta tempo plenumi la honorigan devon, kiun mi tiam akceptis. Fine prosperis al mi prepari publikan raporton, kiun mi legis la 21-an de decembro 1902 antaŭ la *Direktanta Komitato de Filio de Imperia Rusa Geografia Societo* en Troickosavsk-Kjahta kaj laŭ ĝia permeso antaŭ ĝenerala kunveno de la sama *Filio* (la 3-an de januaro 1903).

Nun la raporto estas pretigata por la preso; ĝi jam estas sendita St. Peterburgon al unu tre eminenta kaj aŭtoritata profesoro, kiun mi dume ne nomas, ĉar mi ne havas ankoraŭ lian permeson por tio.

La raporto estos eldonita en »*Laboroj*« de la *Filio*, sed por la utilo de l' rusa Esperantistaro mi konvinkis la komitaton de la *Filio* mendi almenaŭ tiom da apartaj represaĵoj de mia raporto, kiom estas necese por pagi koston de l' tuta eldono. — La komitato favore konsentis je mia peto kaj nun mi invitas ĉiujn rusajn Esperantistojn mendi kiom eble plej frue kiel eble plej multe da ekzempleroj de baldaŭ eldonota raporto sub la titolo »*Por la demando pri la lingvo internacia*« (K voprosu o meždunarodnom jazykje). Kosto de ĉiu ekzemplero kun poŝta transsendo: unu (1) rublo. La verko estas mendebla ĉe *Filio de Geografia Societo en Troickosavsk* (Otdeleniu Geografiĉeskago Obščestva v Troickosavskie). Kiel mi diris supre, la nombro de l' ekzempleroj estas tre limigita por faciligi kiel eble plej baldaŭan disvendon de la unua

eldono, post kiu sekvos nova, dua eldono (kredeble en komenco de l' sekvanta 1904 jaro). Kiu el aĉetontoj bonvolos helpi pretigon de la sekvanta eldono, tiu estas petata resendi al la sama *Filio*, por mi (ĉar mi ne povas nun difini mian estontan adreson) aĉetitan de li ekzempleron de la unua eldono, kun rimarkoj, aldonoj, korektoj. Ĉiu, kiu faros iajn utilajn ŝanĝojn (korektoj de preseraroj ne estas konsiderindaj), ricevos senpage unu ekzempleron de la nova eldono (sendepende de ĝia estonta prezo).

La ekzempleroj kun la rimarkoj povas esti alsendataj dum la tuta pasanta 1903 jaro. Tiel mi esperas kun la helpo kaj subteno de l' rusa Esperantistaro krei sub la protekto de l' nomita *Filio* ĉiujaran jarlibron por rusaj Esperantistoj. Sed antaŭ ĉio, bonvolu helpi min en kiel eble plej rapida disvendo de l' presata eldono por montri al la *Filio*, ke la eldono de l' raporto ne estis vana kaj senutila ofero<sup>1</sup>.

Troickosavsk (Rusujo Azia), la 8-an de junio 1903.

N. P. Erstifeiev.



## NĚKOLIKERO JAZYKŮ »MEZINÁRODNÍCH«.

Fraucouzsky napsal univ. prof. Dr. L. Couturat — přel. J. F. Khun.

Jest ještě jiné rozluštění, jehož snad nebylo by ani třeba zamítati, kdyby nebyvalo předmětem úvah na sjezdu matematiků (počtářů). Záleží v tom, aby počet jazyků národních, jimiž se vědy pěstují (a jichž tedy nepochybně také v obchodu se užívá), omezil se na pět nebo šest. Tohoto návrhu rozhodně nelze provésti. Neboť, kde je autorita (moc), která by byla s to vyvoliti pět nebo šest jazyků privilegovaných (vyvolených) a zvláště — vyloučiti všechny ostatní? Takovéto rozhodnutí bylo by naprosto libovolné a strannické a způsobilo by jistě alespoň tolik zmatků, jako výběr jediného jazyka za jazyk mezinárodní. A dále:

<sup>1</sup> Ni petas ĉiujn redakciojn de l' Esperantistaj Gazetoj, ke ili bonvolu publikigi ĉi tiun »alvokon (malfermitan leteron) al la legultaro« kun rimarko, ke ĝi estas prenita el »Český Esperantista«.

La redakcio.

kdyby i nakrásně takové rozhodnutí bylo přijato, kdo by měl tolik moci, aby je uskutečnil a provedl? Národové, jichž jazyk by měl být vyloučen, plným právem by odepřeli obětovati tento symbol (znak) své národní jednotnosti; a tím spíše neodřekli by se ho ve prospěch jazyka cizího, poněvadž jich vlastenectví tím více bylo by se obávati morální (mravní) odvislosti od národa sousedního, je převažujícího. Pouze jazyk neutrální je s to šetřiti citlivosti všech národností, usmířiti jejich vlastenectví a zájmy a stavěti je na roveň jiným, tak aby uplatnily svého hlasu. Takovýto jazyk nebyl by tedy »nepřítelem, nýbrž nejlepším přítelem jazyků národních<sup>1</sup>«.

Dejme však, proti vši pravděpodobnosti, že takového rozluštění vnutí se posléz »silou okolností« (což stává se často jen netečností mnohých lidí). Všichni národové (alespoň vzdělané jich vrstvy) byli by pak nuceni naučiti se pěti nebo šesti jazykům netoliko různým, nýbrž docela i cizorodým, z nichž každý jeví rozmanité obtíže a vyžaduje několikaletého učení se a cviku. Vyučování na středních školách soustřeďovalo by se výhradně na živé jazyky — na úkor vědomostí pozitivních (věd, dějepisu), ano i pravého vzdělání literárního. Nelze označiti lépe, jak nesmyslným byl by tento směr, než systemisováním: aby se učenci udrželi na výši prací vědeckých, které je zajímají, bylo by jim státi se pouhými polyglotty (mnohojazyčníky); aby však byli polyglotty, bylo by jim zanedbávati všech ostatních studií a následkem toho státi se nevědomci.

Věru, toto rozhodnutí, jemuž se nedostává schválení v praxi, bylo by prostě pokračováním nynějšího stavu věcí a tím zároveň jeho zhoršením. Každý učenec nadále naučil by se jakž takž dvěma nebo třem jazykům, jež by mu dovolovaly vypomoci si asi v  $\frac{1}{2}$  Evropě a dovídati se as o polovině prací, jež ho zajímají. Druhá polovina zůstala by pro něho mrtvou literou, a on by nadále byl beze styků s velkou částí civilisovaného světa.

Rekuje se, že může užiti překladů; ale, což se do hlavních jazyků překládá vše, co jeví se pro celek zajímavým, nejen v literatuře, nýbrž i ve vědě? Vezmeme dílo nejvyšší vědecké; zajímá tisíc učenců ve světě, průměrně 200 z každé hlavní národnosti. Kdyby se přeložilo do kaž-

<sup>1</sup> L. de Beaumont, předseda »Spolku pro šíření Esperanta ve Francii«.

dého z těchto jazyků, žádný překlad by se nevyplatil; nepřekládalo by se tedy. Kdyby se však přeložilo do jazyka mezinárodního, měl by tento překlad dostatečný odbyt. K tomu považme, co času a námahy ušetřilo by se čtyřem nebo pěti překladatelům (zvláště kdyby autor psal přímo jazykem mezinárodním), a že by dílo rázem stalo se přístupným veškeré mezinárodní veřejnosti, kdežto jinak by zůstalo nadlouho, ne-li navždy dobrou polovinou ignorováno (nepovšimnuto). To by bylo jednou z výhod jediného jazyka společného všem národům.



## TVORBA SLOV V ESPERANTĚ.

VORTFARADO EN ESPERANTO.

Píše *Jos. Krumpholtz*.

Bohatství Esperanta nespočívá ve velkém množství slov (kmenů), nýbrž — jak žádal už *Leibni*; ve svém proslulém »Dissertatio de arte combinatoria« z roku 1663 — ve snadnosti, s jakou možno z nevelkého počtu kmenů jeho skládati a odvozovati slova nová.

A v tom vyrovná se Esperanto kde kterému jazyku posavadnímu. Tak důmyslna a přesudna jest v Esperantě tvorba slov, že slovník jeho, jakkoliv jest v pravdě minimální (nejmenší), přece stačí ku projevu pomyslů a myšlenek jak všedních tak básnických, jak průmyslových a obchodních, tak vědeckých<sup>1</sup>. Dát se obohacovati sám ze sebe, sám sebou tak, že může vyhověti i budoucím, novým potřebám pokroku všelikého.

Tvoří pak se v Esperantě slova trojím způsobem:

- a) příponami tvaroslovnými čili mluvnickými;
- b) příponami a předponami odvozovacími a
- c) skládáním slov.

### O PŘÍPONÁCH TVAROSLOVNÝCH.

Zvláštní výhodou a předností Esperanta jest, že hlavní části řeči lze v něm již dle pouhé koncovky pozovati, a tudíž jméno podstatné od slovesa, přídavné od příslovce na pouhý pohled nebo poslech rozeznati. To je »pohodlí«, jakým nemůže se vykázati žádný jazyk »přirozený« a jež

<sup>1</sup> Viz literaturu esperantskou!

ku podivu usnadňuje srozumitelnost Esperanta zvláště v četbě, umožňujíc nezřídka z pouhého tvaroslovného významu slova domyslit se i smyslu jeho.

A poznání ono jest v Esperantě přesnadné — podle pouhé — koncovky.

Tak všechna *jména podstatná* (substantivoj), t. j. jména osob, zvířat, věcí, vůbec jména předmětův (bytostí), vyznačují se důsledně tvaroslovnou příponou *o*, jako některá vlašská a naše střední dle vzoru »město« (»slovo«). Příklady: *Vino* víno, *selo* sedlo, *okulo* oko, *marco* bahno, *močár*, *koto* bláto; ale i *domo* dům, *plugilo* pluh, *almoxo* almužna, *laŭbo* besídka, *boto* bota, *budo* bouda, *celo* cíl, *gazeto* časopis, *ĉapo* čepice, *roto* četa, rota, *inko* inkoust, *jasmeno* jasmín, *ĵupo* jupka, *kapono* kapoun, *karaso* karas, *kaŝtano* kaštan, *klapo* klapka, *kolbaso* klobása, *konvalo* konvalinka, *kreno* křen, *roso* rosa, *rosmareno* rozmarýn, *ŝindo* šindel, *ŝnuro* šňůra, *ŝtupo* stupeň, *tulipo* tulipán, *valo* údolí, *úval*, *vato* vata, *vosto* chvost, *ocas*, *zebro* zebra, *zibelo* sobol, *zixelo* syseľ atd.

*Přídavná jména* (adjektivoj), slova vyjadřující vlastnosti bytostí, tvoří se ve všech případech i rodech příponou *a*, jako naše ženská trojího zakončení, a jako i valná část přídavných jmen ve švédštině, v řečtině, vlaštině a j. Tak značí *nova* naše nový-á-é i nov-a-o a podobně *malnova* starý-á-é i stár-a-o, *ruĝa* červená (rudá) atd., *seka* suchá atd.

*Příslovce* (adverboj), výrazy, jimiž označujeme místo, čas, způsob, míru, důvod, příčinu atd. činnosti neb děje, tvoříme v Esperantě jako v češtině namnoze příponou *e*, význačnou pro příslovce i v latině, vlaštině a španělštině. Tak značí *kie* kde, *nenie* nikde, *tre* velmi, *bone* dobře, *malbone* zle, *supre* nahoře, *hore*, *malsupre* dole atd.

*Slovesa* (verboj), totiž slova vyjadřující činnost bytostí nebo děj vůbec, mají v neurčitém způsobu (infinitivo) jakoby dle češtiny také koncovku *i*. Příklady: *Paŝti* pásti, *plugi* orati, *sidi* seděti, *bedaŭri* želeti, *trafi* trefiti, *mueli* mletí, *ĉerpi* čerpati, *zumi* bzučeti atd.

Tolik o tvaroslovných koncovkách v užším smyslu, tedy bez ohledu na koncovky ohýbací, t. j. skloňovací a časovací.

## LA MONDO INTERNACLINGVA.

FRAGMENTO EL POLA ĈIUSEMAJNA GAZETO »KRAJ« (LANDO), eldonata en St. Peterburgo, 82, Kanalo Ekaterina.

»Parolado, farita de nia glora instruitulo, s-ro Johano Baudouin de Courtenay, dum tagmanĝo, regalita de estraro de urbo Jurjev (antaŭa Dorpat) pro okazo de 100-jara jubileo de universitato de Dorpat-Jurjev, 13/26 decembro 1902, estis sekvanta: Sinjoroj! Mi kredas, ke vi ne taksos malbone, se mi, kiel antaŭa profesoro Dorpata, permesos al mi paroli al vi germane. Mi faras ĉi tion ne pro kaŭzo, ke mi posedas ĉi lingvon precipe bone. Ne, ekzemple ruse mi povus pli facile esprimi miajn pensojn kun plena precizeco. Mi ne faras ĉi tion ankaŭ pro precipa simpatio al germanismo. Post lastaj okazoj en Prusujo oni povus eĉ simple malami germanecon kaj eviti ĝin kun abomeno, — kompreneble, se oni estus fanatikulo. Feliĉe mi ne trovas en mi eĉ postsigneton de fanatikeco kaj se mi efektive ion malamas kaj se mi sentas efektivan abomenon al io, ĉi tio nome estas fanatikeco: fanatikeco religia, fanatikeco nacia kaj ĉia alia fanatikeco.

Freneziganta nun infekto de naciecoj pasos, kiel mi esperas, simile al meza epoko<sup>1</sup> kaj, ve, ankaŭ sekvantaj persekutoj pro kaŭzoj religiaj, kaj la venontaj generacioj sendube komprenos, ke tia malŝparado de propraj fortoj kaj ilia perdo en sensenca malamikigo anstataŭ kunigi ilin kaj reciproke plifortigi kaj helpi unu la alian, estas neinda de estaĵo pensanta kaj estas tre malutila por la progreso kultura, etika kaj ekonomia.

Mi tute ne estas fanatikulo lingva. Kiam mi estis profesoro en Dorpat, mi instruadis ruse kaj germane kaj tamen ĉi tio elvokis nenian malfeliĉon. Kiel en la kapo de unu homo, tiel same en unu lando kelkaj lingvoj povus ekzisti pace kaj amike unu apud la alia kaj interŝanĝi la reciprokan toleremecon. En ĉi tiea lando, apud la lingvo ŝtata, apud la lingvo de granda imperio rusa, apud la lingvo de granda nacio rusa, apud la lingvo de grandaj scienculoj kaj poetoj rusaj, ekzistas ankoraŭ tri lingvoj: la lingvo germana, ne la lingvo germana de persekutistoj kaj detruistoj, sed la lingvo germana de instruituloj kaj artistoj, kaj krom ĉi tio, lingvoj esta kaj latva.

Laŭ la ideo de l' simila senkondiĉa toleremeco mi salutas autikvan urbon Dorpat-Jurjev kaj esprimas deziron, ke ĝi disvolviĝu pli kaj pli en la kultura vojo, en mallarga konsento kaj harmonio kun la plej alta institucio scienca de la lando.«

Tradukis N. P. Erstfeier.

Kelkaj rimarkoj de l' tradukiinto pri la parolo: 1. S-ro Baudouin de Courtenay estas la sola akademiano kaj profesoro Aŭstruja, kiu donis sian subskribon al la internacia peto, adresita al la »Internacia Asocio de Akademioj«; ĝi ankaŭ estas unu el la tri unuaj subskriboj, donitaj de rusaj profesoroj kaj akademianoj. 2. S-ro B. de C. estis preskaŭ sola dum Dorpataj festenoj jubileaj, kiu uzis lingvon germanan, ĉar eĉ Franco kaj Hungaro paroladis ruse.

N. P. E.

<sup>1</sup> Por bohemoj: meza epoko = středověk

## BIBLIOGRAFIO.

**Vocabulaire Français-Esperanto**, publiĉ avec des notions de grammaire et un Vocabulaire abrégé *Esperanto-Français* par Th. Cart, M. Merckens et P. Berthelot. Eldonis Librairie Hachette et Cie en Paris, Boulevard Saint-Germain, 79 en jaro 1903. Enhavas XII kaj 252 paĝojn kaj kostas 2 fr. 50'.

En ĉi tiu vortaro la nomoj de l' monatoj estas skribitaj kun malgranda komenca litero, kion ni opinias tre ĝusta. Anstataŭ pli frua korvino (en *Plena vortaro*) estas en ĝi uzita pli logika korniko (por la latina *Corvus cornix*). Krom ĉi tio ni trovas en ĝi ankoraŭ aliajn vortojn, kies radikoj ĝis nun ne aperis — kiom ni scias — en la esperantaĵoj, kiel ekzemple glicirizo, ongleto, protagonisto.

La latinan vorton peritoneum ni trovas tradukitan kiel peritono; en »Universala vortaro« kaj ankaŭ en »Dictionnaire Esperanto-Français« troviĝas peritoneo. Por la franca esprimo Méditerranée (tradukitan kiel Mediteraneo sur paĝo 10-a en »Supplément au Dictionnaire Esperanto-Français«) ni trovas Mezararo. Memorigisto anstataŭ la vorto sufloro, kiun siatempe proponis »Lingvo Internacia«.

Plu ni legas en ĝi ĉevalviro, bovoviro, katviro . . . anstataŭ formoj ĉevalo-viro, bovo-viro, kato-viro, donitaj en »Dict. Esper.-Français«.

Por kelkaj vortoj ni trovas en ĝi du formojn, ekzemple arĥeologio apud arĥeologio, arĥiduko apud arkiduko, arĥivo kaj arkivo; sed ĥimero, ĥemio, krizantemo k. t. p. estas donitaj ĉiu nur sub unu formo.

Laŭ »L' Espérantiste« la vortaro enhavas 11.500 francajn vortojn. Al ĝi estas aldonita mallongigita, sed tamen sufiĉe plena vortaro Esperanta-franca, kiu enhavas malpli da vortoj devenigitaj, sed eble pli da radikvortoj ol »Dict. Esp.-Français« de L. de Beaufront.

Ĉi tiu libro estas granda peco da pozitiva laboro, kaj estas bonveninta ankaŭ al multaj nefrancaj Esperantistoj. *J. L. v. b.*

\*

**Eldonaĵoj de Brockhaus & Efron, St. Peterburgo.** Praĉesnyj, Nro 6.

En la Nro 7-a, jaro 1903, de Вѣстникъ и Библиотека Самообразования (Kuriero kaj biblioteko de meminstruado) oni trovas interesan artikolon de prof. S. K. Buliĉ, titolita, »Kio estas lingvoscienco?« sufiĉe plenehavan kaj senpartian. Ni rekomendas ĝin al ĉiuj rusaj legantoj, kiuj tute ne okupiĝadis pri lingvo-scienca kaj deziras mallongan, sed esencan sciigon pri ĝi. Sed ni atentigas, ke la demando pri lingvo internacia ne estas eĉ nomita.

Ce 3-a kaj 4-a Nroj de l' sama eldono estis dissenditaj du partoj de l' rusa traduko de rimarkinda germana verko de prof. W. Ostwald »Naturphilosophie« (La filozofio de l' naturo). Por ni, Esperantistoj, la verko estas speciale rimarkinda kaj ŝatinda per tio, ke prof. W. Ostwald seukaŝeme konfesis, ke li kredas en necesecon, utilecon kaj favoran estontecon de lingvo internacia. Sur la

<sup>1</sup> Ricevebla ankaŭ ĉe libraro E. Weinfurter, Praha, Vodičkova.

paĝo 30-a de l' rusa eldono estas donita eĉ la adreso de »Delegacio por enkonduko de helpa lingvo internacia«, bedaŭrinde malnova. Ni rekomendus al kompetentaj personoj internaciigi are (ĉe kunlaborado de kelkaj Rusoj kaj Germanoj) la nomitan verkon. (*N. P. Erstifeiev*).

**Národopisná mapa uherských Slováků** na základě sčítání lidu z r. 1900 — je název nového díla Dra *Lubora Niederle*, profesora české university v Praze. Stran 223 velké 8<sup>o</sup> a 11 map. Cena 8 K.

Vedle účelu naučného má mapa i důležitost praktickou, jsouc jedinou novější a velkou mapou severních Uher s názvy slovenskými — jež v seznamu jdou paralelně s maďarskými, aby jméno hledané obce bezpečně vždy mohlo se najíti.

Dílo obsahuje i soustavný popis všech stolic v Uhrách Slováků obývaných, podrobné výpočty percentuálního počtu Slováků, Rusů (Rusínů), Němců a Maďarů, jakož i statistiku náboženskou a v přídatku i české kolonie v Uhrách. Mapy vynikají plastičností, znázorňujíce netoliko hranice Slováků, nýbrž i to, co jiným národopisným mapám chybívá: percentuální poměry uvnitř slovenské oblasti.

Že dílo je velmi dobré, svědčí i samy »Slovenské Pohľady« v sešitě 6. a »Národnie Noviny« v čísle 76, 1903. Kr.

**Etnografia karto de Slovakoj en Hungarujo** laŭ la kunkalkulo de la homoj el jaro 1900 — estas la nomo de l' nova verko de Dro *Lubor Niederle*, profesoro ĉe la bohema universitato en Praha. Enhavas 223 paĝojn de granda oktavo kaj 11 kartojn. Kostas 8 K.

Krom instrua celo la verko havas ankaŭ gravecon praktikan, estante sola pli nova kaj granda karto de norda Hungarujo kun nomoj slovakaj — kiuj en la nomaro iras paralele kun la hungaraj, por ke la nomo de l' serĉata komunumo certe povu esti ĉiam trovita.

En la verko troviĝas ankaŭ memstara priskribo de ĉiuj distriktoj loĝataj de Slovakoj, detalaj donoj pri percenta nombro de Slovakoj, Rusoj (Rutenoj), Germanoj kaj Hungaroj, kiel ankaŭ religia statistiko, kaj en aldono eĉ bohemiaj kolonioj en Hungarujo. La kartoj distingigas per plastikeco vidigante ne nur limojn de Slovakoj, sed eĉ tion, kio ĉe aliaj etnografiaj kartoj ordinare mankas: percentajn rilatojn en la slovakaj regionoj.

Ke la verko estas tre bona, atestas mem la slovak gazeto »Slovenské Pohľady« en la Nro 6-a kaj »Národnie Noviny« en la Nro 76-a, 1903.



## MACAULAY

»Edukadu la popolon«, estis la unua admono de Penn por la kolonio, kiun li estigis. »Edukadu la popolon«, ĉi vortoj estis la heredaĵo de Washington por la nacio, kiun li savis. E.



KANTO<sup>1</sup>

*Kanto sincera de mia animo,  
flugu en vaston sen timo,  
kaj komuniku al homoj de l' tero  
ĝojon de l' sankta espero.*

*Homojn alvoku al paca laboro,  
sonu konsolon al koro,  
kaj en brilanta bluaĵo de spaco  
laŭte prediku pri paco.*

*Kantu belsone pri homa frateco,  
kantu pri vera justeco;  
sonu pri amo, pri ĉies libero  
per la fluganta aero.*

*Diru, ke estas en vasta la mondo  
bona amika frat-rondo,  
rondo senĉese en ĉio konstanta  
pace senhalte kreskanta.*

*Ĉi tiu rondo la homojn pacigas,  
kaj per laboro kunligas;  
el la pacamo nun estas plektita  
regla la kanto invita.*

*Kanto sincera de mia animo,  
flugu en vaston sen timo,  
kaj komuniku al homoj de l' tero  
ĝojon de l' sankta espero.*

*J. Seleznet.*



<sup>1</sup> La poemo »Kanto« estis publikigita jam en jaro 1893 («Esperantisto», IV-a jaro, 9-a paĝo). Nun ni publikigas ĝin denove, sed kun kelkaj ŝanĝoj en la teksto kaj formo. La ŝanĝoj faris la aŭtoro mem. — La redakcio.

## DU MAROJ.

Li estis flama idealisto. Kiam li liberiĝadis de sia laboro, li ĝis malfrua nokto vizitadis malaltigitajn kaj alpremitajn. Li al ili malkovradis larĝajn horizontojn de homa feliĉo, kaj ili efektive fariĝadis feliĉaj, laborante kun li por la nova vivo. Lia laboro estis plena de pikiloj, sed tiom pli granda estis ĝuo, kiam diversaj celoj, partoj de unu granda celo, estis iom post iom atingitaj. Kaj la koroj de l' malfeliĉuloj benadis lian nomon kaj faris ĝin senmorta.

Sed venis tempo, kiam de la grandaj laboroj liaj membroj de l' korpo rifuziĝis servi al li, liaj paroloj ĉesis esti flamaj kaj li, nelonge pensante, ĵetis sin en profundan maron, kies ondoj senĉese atakis la murojn de lia urbo. Sed lia nomo restis viva en la homaj koroj, ĝi ne dronis.

Lia filo, talenta juna homo, je kiu tiel esperis la patro, faris al si bonan neston. Li edziĝis al unu riĉa fianĉino, kaj fariĝis negocisto. Sekaj kalkuloj kaj malsekigado de ĉi tiuj kalkuloj de ĉampano forigis lian koron. Lia nomo estas elmetita en strataj elpendaĵoj, kaj en luksaj prezotabeloj, sed ĝi ne troviĝas en la homaj koroj.

Li ankaŭ dronis en la maro ... Li dronis en la oceano de l' homaro ...

*Buddhisto.*



## KREDO JE L' CIVILIZACIO.

*S. Poljanskij, Habarovsk sur Amur. Azio.*

En la 1902 jaro mortis kaptita de la rusoj la ĥina generalo Ŝu. Post lia morto en la gazetoj estis rakontita okazo, kiam dum la milito li ruze trompis unufoje rusan generalon. Havante multenombrian militistaron, li defendadis la vojon al Mukdeno. Por ekscii la forton de la rusa taĉmento, li, vestinte sin en la vilaĝanan veston, kuraĝe venis al la malamikoj kaj faladante teren kaj plorante, petegis redoni al li du bovinojn, kiujn rabis de li rusaj soldatoj. Li estis alkondukita al la komandanto de la taĉmento, kiu parolis kun li, demandis pri la fortoj de sia kontraŭulo, generalo Ŝu, kaj poste volante kredigi la pacan loĝantaron pri la justeco de la rusa militistaro, li ordonis konduki la malriĉan vilaĝanon tra la tuta tendaro kaj

permesi al li serĉi liajn bovinojn. Ŝu kalkulis la nombron de la batalionoj kaj la pafilegoj, ne trovis, kompreneble, neekzistantajn bovinojn, feliĉe revenis al sia taĉmento kaj morgaŭ atakis rusojn. Li estis disbatita, sed ne pro sia nekapableco.

Simila okazo estis ankaŭ en dua loko. La kuraĝa estro de la ĥinaj »ĥunhuzoj« (rabistoj) Lu-Taj-Dzi longan tempon maltrankviligis la orientajn limojn de Manĝurio. Kontraŭ li la rusoj kelkefoje sendis fortajn taĉmentojn por kapti lin, sed sen sukceso. Lia bando (sufiĉe granda) ordinarare retiris sin antaŭ la rusoj kaj dividiute sin en malgrandajn partojn, diskaŝadis sin en la arbaroj de tiea montaro. En unu el la ekspedicioj rusa taĉmento persekutis Lu-Taj-Dzi'n mem laŭ liaj postesignoj. Veninte vilaĝon, ĝi eksciis, ke Lu-Taj-Dzi antaŭ unu tago estis tie, rabis la riĉulojn kaj iris antaŭen, en sekvanta vilaĝo estis eksciate la sama k. t. p. Dum unu el haltoj en tia vilaĝo al la generalo komandanta la persekutantan taĉmenton, oni alkondukis vilaĝanon de alia najbara loko, kiu proponis liveri al la rusoj provizon. La generalo multe parolis kun li, demandis lin pri Lu-Taj-Dzi kaj lia taĉmento; la vilaĝano respondis tre volonte, prudente kaj detale. En la fino de la interparolo li eldiris sian opinion: »Vi volas kapti Lu-Taj-Dzi'n? — Ne, vi ne povas ĉi tion fari, ĉar li estas tre ruza!« Oni forlasis lin kun paco. Post lia forveturo la vilaĝanoj komunikis, ke la rusojn vizitis Lu-Taj-Dzi mem, sed ili timis denunci pri tio dum lia ĉeesto.

Efektive Lu-Taj-Dzi ne estis kaptita perforte: poste, kiam li perdis la esperon je sia afero, li dedonis sin en la manojn de l' malamikoj post traktadoj.

Kiam oni rakontas pri ĉi tiuj du okazoj, ordinare oni miras je la kuraĝeco kaj ruzeco de la nomitaj ĥinoj kaj moketas je la kredemeco de la rusaj generaloj, sed oni lasas sen atento alian pli gravan kaj agrablan aferon, — dire, la kredon je la civilizacio, kiu ĉefe gvidis la ĥinojn.



CICERO

*Ĉiu homo povas erari, sed persisti en eraro, tion faras nur malsaĝulo.*

E.

## KOMPATINDA KOKIDETO.

»Kompatinda kokideto«, bedaŭras nia malgranda Joĉjo, kiam ajn li kun gusto de kvinjara homo ĉirkaŭmordas rostitajn pecetojn de kokido; »ili mortigis kokideton, kompatinda kokideto!«

»Tio estas bona«, ridas infanoj, »li bedaŭras kokideton, sed malgraŭ ĉio — manĝas ĝin!«

»Li ne agas pli malbone«, mi diras, »ol ni, homoj maturaj: ni hejtas per karbo, sur kiu troviĝas ŝvito, sango kaj vivoj de miloj da homoj, kiuj ĝin elterigis; ni eklumigas per alumetoj, per kies fabrikado homoj terure kripligas sin; ni beligas nin per punto, kiu estas malsekigita per larmoj de palaj knabinoj, kiuj estas malfortigitaj per mizero kaj malsato...«

»Kaj ni ne pensas je ili«, aldonis infanoj.

El bohema gazeto »Ĉas« tradukis *Božena Čejkora*.



INDA PROVERBO

*Bestoj estas niaj unuenaskitaj fratoj.*



## REMEMOROJ.

De *Tetmajer*.

Nebuliĝis la rigardo de mortanto. Li sentis, ke proksimiĝas la morto, kaj li volis rerigardi posten, por ke ankoraŭ unu fojon vidi la pasitan vivon. Antaŭ li per mallaŭta kaj senfina vico iris diversaj vizaĝoj kaj ĉiu el ili portis al li rememorojn de malĝojo aŭ ĝojo. Sed ĉar rememoroj pri malĝojo kaj suferoj multe superregis, tial la mortanto pensis: ne indas bedaŭri tion, ke mi ne vidos plu ĉi tiujn vizaĝojn.

Sed jen, en mallumo ekbrilis antaŭ li du okuloj, plenaj de larmoj. Li tuj rekonis ilin kaj, forpelinte la ceterajn fantomojn, li komencis atente rigardi ilin.

Ĉi tio estis okuloj de maljuna almozulo, al kiu li iam, en frosta nokto, fordous sian mantelon, deprininte ĝin de la ŝultroj.

Kaj komencis dolori al li, ke en la lasta fojo aperas antaŭ li rememoro pri ĉi tiuj okuloj, ke li vidos ilin plu neniam.

*Ivan Seleznyov.*



## EL LA MONDO.

Entrepreneante la ellaboron de **Pola gvidanto tra Eŭropo** (Przewodnik polski po Europie) kun aldono de sciigoj pri Rusujo Eŭropa kaj Azia, s-ro *Tadeusz Radliński* (n. Hortensja, Nro 6, Warszawa), petas ĉiujn pri kompleza alsendo (laŭ lia adreso) de ĉiaj sciigoj, tuŝantaj Polojn ekster la limoj de l' rusa parto de Polujo; ekzemple: komunaj sciigoj pri pola loĝantaro de la loko, adreso de hoteloj tute polaj aŭ nur parte polaj (ekz.: polo posedanto, polaj servistoj, polaj gazetoj), polaj firmoj komercaj, apotekoj, butikoj, restoracioj, pli eminentaj polaj personoj: kuracistoj, leĝistoj, teknikistoj k. t. p. Kaj fine nomoj de eldonadoj, el kiuj oni povus ĉerpi kian ajn sciigon pri la demando. (El pola gazeto »Kraj« tradukis *N. P. Erstifeiev*). — Rimarko de l' tradukinto. Pola nacio estas la plej granda kaj forta nacio (20,000.000) el ĉiuj, kiuj estas senigitaj de nacia unueco kaj sekve ankaŭ de plenrajto de ilia propra lingvo. Tial oni povus atendi, ke la pola nacio estos la unua en la vicoj de amikoj de internacilingva movado, sed bedaŭrinde ĉi tio estas tute kontraŭe. Tial ni devas ŝati ĉiun okazon rememorigi al Poloj la utilojn, kiujn ili povas ricevi per lingvo internacia.

Rimarko de l' redakcio. Ni invitas ĉiujn niajn amikojn, kiuj povas iel helpi al s-ro Radliński, ke ili volonte donu al li helpan manon. Tiel ni plej bone pruvos, ke ni ne uzas Esperanton sole por Esperanto aŭ kiel senutila sporto, sed por efektivaj bezonoj de l' vivo, kie ni nur povas uzi sukcese lingvon internacian. Ĉiu el ni ja devas bone senti kaj scii, ke ni bezonas lingvon internacian ne por ludado, sed por *vivo*, vivo *reala* kaj *ĉiutaga!*

**Kongreso de pacanoj** estis en urbo **Östersund** en Svedujo la 10-12-an de julio ĉi jaron. Norvegulojn reprezentis 4, Danujojn 7 kaj Svedujojn 100 partoprenantoj. El traktadoj de l' kongreso ni elprenas jenon: Oni rememorigis, ke la sveda societo de pacanoj estis fondita en jaro 1883 de konataj politikistoj s-roj *Clas Adelsköld* (membro de la sveda reĝa akademio scienca, estrarano de l' sveda societo turista, Esperantisto) kaj *K. P. Arnoldsson* (konata aŭtoro de pacaj verkoj). La societo estis organizata sen kompreno por pli malaltaj sferoj, pro kio eble ĝi nesukcesis ĉe ili. Plue oni varmege parolis por pli intima kunlaborado de skandinavanoj. Unu instruistino proponis, ke estu aranĝataj antaŭleĝoj kun demonstracioj per skioptikono. Grava punkto de programo estis kunagado de l' societo kun laboristaj organizacioj. Oni eldiris, ke estus bone, se la laboristaj societoj akceptus kiel sian la demandon de paco. Dro *Olaf Benedictsen* el Danujo opiniis, ke per efektivigo de l' idealo de socialismo militoj fariĝos neeblaj, kaj opiniis saĝa, ke la pacanoj simpatiu kun tiu partio. Post longa debato estis akceptita rezolucio, ke la estraro de l' pacana societo sin turnu pro kunagado al diversaj societoj apartenantaj al diversaj partioj politikaj kaj religiaj. *Södertelge*, Svedujo.

*Einar Hakansson.*

**Leĝo pri la alkoholismo.** De la 1-a de januaro 1903, ekzistas nova leĝo iom bruanta ĉe la juĝejoj en la tuta Anglujo, kaj kiu kredeble fariĝos potenca armilo kontraŭ la alkoholismo.

Ĝis nun la ebrieco estis kulpo, nur se la drinkulo kaŭzis skandalon. Se ĝi nur ŝanceliĝis, eĉ paŝis zigzage, ĝi ne estis kon-

damnebla. La driukejmastro, kiu lastafoje plenigis ĝian glason, ne estis persekutata. De nun, kiaj ajn estas signoj de ĝia stato, la drinkulo, viro aŭ virino, povas kaj devas esti arestata. Se ĝi havas hejme infanon ne jam sepjaran, ĝi estas, pro simpla ebrieco, punebla je mallibereco unu-monata.

Kondamnite trian fojon, ĝi estas enskribata sur la nomaro de »drinkuloj kronikaj« (kutimaj), kaj ĝia fotografaĵo estas liverata al ĉiuj driukejmastroj en ĝia kvartalo. Plie se ĝi provus aĉeti ie ajn alkoholon, ĝi estus punebla je mona puno kaj mallibereco. La vendintaj drinkejmastroj estas puneblaj je mona puno pli kaj pli granda, nome 250 frankoj la unuan fojon, 500 fr. la duan, poste je mallibereco eĉ ses-monata. La kunulo de ĉiu enskribito sur la nomaro de »drinkuloj kronikaj« povas ricevi juĝe la eksedziĝon. Sed la leĝo ne antaŭvidis la okazon -- bedaŭrinde tro oftan -- en kiu la geedzoj estas ambaŭ enskribitaj sur la pereiga tabelo. El tio rezultas multe da malfacilaĵoj por plenumi tiun leĝon, kiu tamen estas ankoraŭ tre nova.

Dijon, Francujo.

F. Lallemand.

**Persa babismo** (bab = pordo, komprenu de vero kaj scio) fondita de Mirza Ali Mohamed (\* 1819), kaj tolerata unue de nuna ŝah, havas en Persujo ĉirkaŭ 3 milionojn, en aliaj landoj ĉirkaŭ 2 milionojn da anoj.

Babistoj kredas je unueco kaj solidareco de la tuta homaro, je unu lingvo, je unu skribo, je universala frateco, kaj estas kontraŭ la milito; ili konfesas kiel siajn profetojn krom Mohamed ankaŭ Moses kaj Jesus, »filon de Dio«. (»Naŝe doba«, 1903).

**Fremduloj en Germanujo.** Ĉe lasta popolkalkulado oni trovis, ke en Germanujo loĝas 800.000 da fremduloj, anoj de fremdaj ŝtatoj. Inter ili estas plej multe da Aŭstro-Hungarujanoj, t. e. 390.000. Post ili sekvas Holandanoj en la nombro 88.000. La trian lokon okupas Italoj, 70.000. La nombro de Rusoj 47.000, Danoj 27.000, Francoj 20.000, Angloj 16.000 (kiuj preskaŭ ĉiuj loĝas en Dresdeno), Belgoj 12.000, Svedoj 10.000, Norvegoj 3.000, aliaj 5.000. Proporcie tre granda estas la nombro de Svisoj, t. e. 55.000, kiuj estas en la plej granda parto hotelistoj kaj kelneroj. El U. Ŝ. A. vivas en Germanujo 18.000 da personoj. — Plej multe da fremduloj loĝas en Alsaco kaj Lotaringujo, kie je ĉiu 1.000 da personoj oni kalkulas 38 da ili; en Berlino en ĉiu 1.000 estas 18 da fremduloj. (El la slovakaj gazeto »Národnie Noviny«, eliras en Turĉ. Sv. Martin. Hungarujo).

**Ĉikago.** Kaulero de arkidiecezio de Ĉikago, pastro F. J. Barry, publikigis jaran raporton, kiu montras, ke la nombro de katolikoj pligrandigis per 200.000 da personoj kaj ke la nombro de infanoj, vizitantaj parohajn lernejojn, nun estas per 12.000 pli granda ol antaŭe kaj egalas nun al 92.000. Eĉtute la arkidiecezio de Ĉikago kalkulas nun unu milionon da personoj, kiuj konfesas religion roma-katolikan. El 370 preĝejoj en Ĉikago 155 apartenas al katolikoj. El ili en 71 reĝas lingvo angla, 34 germana, 14 pola, 10 bohema, 4 franca, 5 itala, 6 slovakaj, 6 kroata, 2 litovaj, 1 greka, 1 siria, 1 holanda.

**Inter Peterburgo kaj Carskoje Sielo** estas konstruita aparta relvojo por imperiestraj vagonaroj. La kosto de relvojo, egalanta preskaŭ al 25 verstoj, estas 4,400.000 da rubloj (t. e. ĉirkaŭ 176.000

rubloj por 1 versto laŭ komunikoj de oficiala »Kurjero de Ministerio de Vojoj de Komunikado«.

**Finlanda Gazeto**, ŝtata gazeto eldonata ruse, anoncas ke laŭ Imperiestra Ordono, la nomoj de stratoj kaj de placoj en Finlandujo estonte devas esti skribataj ruse, sube do povas skribi ilin ankaŭ svede kaj finlande.

**Ĉe lasta kongreso de rusaj fervojaj oficistoj** oni decidis, ke ĉiu, kiu estos trovita en ŝarĝa vagonaro, estos konsiderata ŭe kiel senbileta voja ĝauto, sed kiel persono suspektata, ke li enŝteligis por rabi ŝarĝon, ĉar transportado de vojaĝantoj en ŝarĝaj vagonaroj ne ekzistas en rusaj fervojoj. Tial ĉiu simila persono estos tuj kaptita kaj eljetita el vagonaro sendepende ĉu la stacidomo por rifugo de vojaĝantoj ekzistas aŭ ne. Krom tio li estos donita en manojn de polico. (»Kraj«).

**Mont Pelée** (Senŝeligita). Dank' al nova suprenrampo al Mont Pelée fariginta la 8-an de novembro 1902, en pli bonaj kondiĉoj ol la antaŭaj, s-ro Lacroix povas hodiaŭ sciigi la nunan staton de la vulkano de insulo Martiniko, kaj difini la naturon de la centra konuso staranta en mezo de l' kratero. Ĝi ne estas, laŭ lia diro, konuso formiginta el disŝirigitaj vomitaĵoj, ĝi estas *Kumulo-Vulkano* konsistanta el firmaj ŝtonegoj, kiuj kvankam ruiniĝante senĉese, plialtigas trankvile kaj preskaŭ rimarkeble por la okulo, sekve de la interna puŝado. S-ro Lacroix fine rimarkigas, ke kvankam de pli ol du monatoj ne okazas plu ĉe Mont Pelée ia grava eksplodo, tamen la elmontroj del' vulkana aktiveco daŭrigas silente kaj senripoze.

**Maramalsano**. S-ro Heinzenen »*Münch. med. Wochenschrift*« rekomendas kontraŭ la mara malsano la oftajn enspiradojn. Dank' al ĉi tiu artifiko la incito en la centroj vomadaj tre malgrandiĝas, kaj la naŭzoj ĝis tiam nevenkeblaj ĉesas. Cetero estas tute egale ĉu la naŭzoj rezultos el la pleniĝeco de l' stomako aŭ el la ekscitomo de l' laringo. La nerva centro de la vomadoj, kiu kuŝas en la cerbo apud la spirada centro, ricevas influon de la aktiveco de sia najbaro, precipe kiam farigas kelkaj rapidaj enspiroj; tiel oni povas malhelpi al la apero de la vomadoj. La aŭtoro certigas, ke li ofte konstatis la efektiviĝon de ĉi fakto.

F. Lallemand.



## HINA PROVERBO

*La prudento estas por la saĝulo, la leĝo por la mal-hlerulo.*

E.



**El Hrádek** (Grottau), Bohemujo. — Ĉe la bohema societo laborista, nomata »Ĉtenářsko-vzdělávací spolek *Květ*«, fondiĝis »Esperantista Rondeto«, kiu aranĝas por siaj membroj ĉiudimanĉe instruadon de Esperanto. La sidejo kaj lernejo troviĝas en la gastejo de s-rino Marie Bleil, Fabrika strato.

Amikoj Esperantistoj kaj Societoj Esperantistaj estas petataj pri kiaj ajn helpoj, por ke nia juna rondeto povu sukcese grandiĝi kaj prosperi. Eblajn sendaĵojn sendadu afable aŭ rekte al nomita societo »*Květ*« aŭ laŭ la adreso: Josef Teplý, Dónis-Grottau 81, Bohemujo. Aŭstrujo.

## ORGANIZACIO DE KORESPONDADO.

## ORGANISACE DOPISOVÁNÍ.

**Klarigo de signoj:** *L* = legas, *S* = skribas, *P* = parolas en lingvo . . . (unu a estas lingvo gepatra), *Dez* = deziras korespondi aŭ ricevi sciigojn pri . . ., *D* = donas sciigojn pri . . ., *K* = kolektas . . ., *R* = respondas. — Fine sekvas aparta deziro \* = jaro de naskiĝo.

**9. Rusujo. Siberio. VERCHNEUDINSK.** *Vítold Tenisov*, militisto, verkisto. *LSP*: rusa, pola, Esperanto. *L*: franca, germana, bulgara. *Dez*: Ricevi priskribojn de infanaj ludoj kaj okupiĝoj el diversaj landoj. *D*: Laŭ ebleco pri ĉio, kion mi scias kaj komprenas. *R*: Laŭ ordo de ricevo. \* 1872.

**10. Brazilujo. Proviuco Minas Geraes. LIGAÇÃO, Ferro Leopoldina.** *Antonio M. de Souza*, komercisto. *LSP*: portugala. *LS*: hispana, itala, franca, Esperanto. *K*: Poŝtaj markoj, kartoj kaj kovertoj. *R*: Per leteroj kaj poŝtaj kartoj.

**11. Norvegujo. BERGEN. Lysekloster.** *Haldor Midthus*, lernejestro. *LSP*: norvega, sveda, dana, Esperanto. *L*: angla, germana. *Dez*: Mi deziras ricevi de ĉiulandaj Esperantistoj artikolojn Esperante skribitajn (10—50 liniojn) por ke mi eble povu ilin enmeti en estoutan lernolibron Esperanta-norvegan. Ankaŭ mi ricevos volonte artikolojn por publikigi ilin en norvegaj gazetoj. *D*: Ĉiu, kiu sendos al mi artikoleon, ricevos responde poŝtan karton. \* 1841.

**12. Suda Ameriko. Peruo. LIMA.** Barranco, strato Bolívar 7. *Dro Federico Villareal*, profesoro ĉe universitato kaj lernejoj teknikaj. *LSP*: hispana, Esperanto. *LS*: franca, angla. *Dez*: Pri matematiko, astronomio, instruado. Kolektive verki plenan vortaron hispana-Esperantan kaj vortareton de specialaj esprimoj, kiujn oni uzas en matematiko. *D*: Mi donos sciigojn pri geografio de mia lando. *R*: Ĉiam per poŝtaj kartoj, malofte per letero. \* 1850.

**13. Aŭstrujo. Moravujo. BYSTRICE-HOSTÝN.** Fraŭlino *Marie Skřehotova*. *LSP*: bohema, Esperanto. *Dez*: Perfektigi sin en Esperanto. Korespondi pri diversaj pli altaj ideoj koncerne vivadon. *D*: Respondas laŭ reciprokaj demandoj. *R*: Laŭ deziro de korespondanto.

**14. Aŭstrujo. Moravujo. BYSTRICE-HOSTÝN.** Fraŭlino *Julie Šídlova*. *LSP*: bohema, germana, Esperanto. *Dez*: Teozofio, budhismo, vegetarismo. *D*: Kiel ĉe *Dez*. Mi instruadus kun plezuro Esperanton (koresponde). *R*: Per leteroj aŭ kartoj. — Mi konatiĝus tre volonte kun amikoj de vegetarismo kaj alkohola-abstinenteco.

**15. Rusujo Azia. Siberio. CHABAROVSK** na Amuru, Baranovskaja ul. *Aleksandr Vasiļjevič Plusnin*, komercisto havanta importan komercon kaj lignosegan fabrikon. *LSP*: rusa, Esperanto. *LS*: franca, germana. *Dez*: Mi deziras ricevi prezarojn pri diversaj komercaĵoj (pogrande) kaj aparte sciigojn pri fabriko de ksilolito<sup>1</sup> kaj briketoj el seĝaĵoj. *R*: Mi respondos volonte al ĉiu skribonta per letero aŭ poŝta karto ilustrita aŭ ne. — Fotografisto-amanto. \* 1864.

<sup>1</sup> Ksilolito (*xylolith* laŭvorte tradukita = »ligna ŝtono«) estas materialo ne ruiniĝebla. Ksiloliton oni fabrikas el lignaj seĝaĵoj kaj magnezio. Briketoj el ĝi faritaj estas ofte uzataj kun plej bonaj rezultatoj por konstruado. — Rim. de red.